

雍正游俠傳

雍正遊俠傳序

有清十二主除讓帝宣統猶未蓋棺定論外三祖八宗以雄猜著者當推雍正帝爲首屈一指內誅管蔡外戮韓彭其心思之密手段之辣迄於今事過境遷已二百載而一談及血滴子猶令人毛髮戴甚矣餘威之震人百世下猶有生氣也特阿其那塞思黑之獄論古者每爲允禩呼冤不知允禩也處心積慮彼不殺此必殺彼敗則爲被誅之管蔡成卽爲靖難之燕王成王敗寇何足深論雖然立身雍正之朝動觸血滴之刃竟敢私結祕社暗設機關不速之飛客則請君入甕萬乘之君主則縛之如豕則廉親王禕貝子輩其材其智亦必有大過人者且當時人材之盛不僅皇室爲然如滿人中之隆科多漢人中之年羹堯疆吏中之田文鏡李衛以及陳景希之風鑑雲遊子之論字婁近垣之法術甘鳳池之劍術固曠世不一見者而一時並集此

固。關。乎。世。運。非。人。力。所。可。幾。也。居。今。念。古。不。幾。令。人。感。慨。深。之。設。若。而。人。者。
重。現。今。世。則。假。鳳。池。之。劍。已。足。寒。賊。子。之。心。更。何。至。擾。攘。不。休。乎。撰。述。既。竟。
書。此。爲。序。

民國十二年癸亥六月青浦陸守先士諤氏序於松江醫室



























